

金錄祈壽晚朝儀

法事如式

各禮師存念如法

請宣神呪

北上太玄 玉炁徘徊 寶華五重 流光煥輝
靈景鬱秀 網映太微 仰注我身 內府鮮開
安鎮靈宅 萬神總歸 身生羽服 舉形仙飛
和與道合真

鳴法鼓二十四通

無上三天玄元始三炁太上老君召出臣身
中三五功曹左右官使者左右捧香驛龍騎
史侍香金童傳言散花玉女五帝真符直日
香官各三十六人出出者履裝履服冠帶垂
纓關啓玄壇土地方域神真臣今晚朝陞壇
行道朝謁帝真欽奉 其諸丹個具戴絨膽
額得
太上至真道炁靈寶瑞光下降流入臣等身
中今臣所啓之誠速達徑御
至真無極大道三清上聖昊天至尊金闕玉
皇上帝御前

請稱法位

具位臣姓某與臨壇官眾等謹同誠上啓
虛無自然至真無極大道玉清聖境大羅元
始天尊太上道君太上老君昊天至尊玉皇
上帝紫微上官天皇大帝紫微中官北極大
帝后土皇地祇玄都萬壽天尊太平護國天
尊福生無量天尊玄都玉京七寶層臺紫微
上官靈寶至真諸君丈人金闕諸天彌羅眾
聖上相上宰上保上傅少保少傅四師五帝
十二仙卿三十六部尊經玄中大法師三天
大法師日月星宮斗府周天宿度河漢星真
南極老人福祿壽星真君
皇帝本命星君帝座照臨真宰三界內外應
感一切真靈臣聞無名無象潛凝一炁之中
有數有生默運萬殊之內玄景昭明於空碧
真風流演於寰區道妙難明混三才而化育
功高不宰溥四極以生成臣等賦性疏庸受
資凡陋漱流枕石擬堅素志以卑棲味道參
玄每恪丹誠而默守欽逢
聖旦僭領齋科仰叩瑤階闕宣秘典

香傳洪範壽為五福之先頌效華封誠切三
祝之備精氣神為體元之大本福祿壽集景
祚於

聖躬位居

帝極之尊德配乾元之首化日流光於法海
仁風布澤於仙都敬肅朝儀俯彈悃悃以今
晚朝陞壇行道請法眾等運茲初捨上香願
此香煙騰空徑上供養

至真無上道寶大羅元始天尊昊天至尊玉
皇上帝無上大羅至真眾聖臣等皈身皈神
皈命首體投地仰依

太上三尊十方眾聖願以是香功德上祝

皇帝陛下伏願德冠百王功高千古恩沾寰
宇八紘普洽於陽春壽等宮蒼萬歲永壽於
華夏椿齡日茂國祚天長今故燒香自皈依
師尊大聖眾至真之德得道之後保天長存
和與道合真

緣霧浮空香雲凝碧耿耿朝趨之志奉奉夕
揚之心以今晚朝陞壇行道請法眾等運茲
二捨上香願此香煙騰空徑上供養

至真無上經寶玉宸靈寶天尊紫微天皇大帝禹餘天宮真仙聖眾臣等皈身皈神皈命首體投地仰依

太上三尊十方眾聖願以是香功德上祝皇帝陛下伏願日月同明乾坤合德氣調律呂齊七政之璇璣今握權衡和四時之玉燭

邦家協吉民物沾恩歲多豐稔之歡世有和平之俗兆民稱慶
萬壽尊安令故燒香自皈依
師尊大聖眾至真之德得道之後保天長存

和與道合真
天維顯恩神其如在散香風於壇陛懸惠月於霄衢以今晚朝陞壇行道請法眾等運茲三檢上香願此香煙騰空徑上供養

至真無上師寶五靈玄老天尊紫微北極大帝后土皇地祇大赤天宮無鞅聖眾臣等皈身皈神皈命首體投地仰依

太上三尊十方眾聖願以是香功德上祝皇帝陛下伏願文德誕敷仁風廣被德歌舜日永隆億萬世之基慶衍莊椿萬壽八千年

之壽神人協贊宗社真安令故燒香自皈依師尊大聖眾至真之德得道之後保天長存和與道合真

禮方
懺悔
步虛
三啓
三禮
重稱法位

具位臣姓某謹重誠上啓
三境至尊十華上聖金闕玉京天帝天真日月星斗羣真十方師尊聖眾三界官屬一切真靈臣聞道之尊德之貴希微妙合於無言大而化聖而神應響潛通於有感天九重而

密邇日三接以虔祈洞洞乎中洋洋在上欽承
上命爰謹祝釐扣首玄宮一統咸歸於聖世傾誠紫極眾星普耀於吉躔飄旃俯賜於鑒觀仙仗聿嚴於護衛空歌振響梵炁流晶寶篆騰煙擁旌節於空玄之上銀燈絢綵

燦衣冠於雲錦之中禮敬肅於朝儀事恪遵於秘範重念臣等休光宸陸託蔭

皇穹列款陳詞借瀆高明之靈登齋行道寧無過謬之愆仰賴寬宥普垂原赦固成福果用贊洪禧則上明

天尊大慈之化下副臣等皈命之誠謹啓以聞
十二願
存神燒香

香官使者左右龍虎君侍香諸靈官當令臣向未晚朝陞壇行道之所自然生金液丹碧之英百靈眾真交會在此香火鎮前當願聖鑒昭回丹誠感格十方仙童玉女接待蘭煙傳臣向來所奏之詞速達徑御

至真無極大道三清上聖昊天至尊金闕玉皇上帝御前
出堂頌
回向
金籙祈壽晚朝儀